

Kasi Yesu Khristu Ni Njani? (Chigaŵa 1)

Nkhani iyi yafuma mu buku la *Kasi Baibolo Likusambizgachi Chomenechomene?* mutu 4. Buku ili likusangikaso pa jw.org.

IVYO UKWENERA KUCHITA: Ghanaghanira chomene ivyo ukugomezga na vifukwa vyake. Fufuza ivyo Baibolo likusambizga na kuwona umo ungalongosolera ivyo ukugomezga.



KASI YESU WAKAŴA WAKA MUNTHU MUWEMI?

1 GHANAGHANIRA IVYO UKUGOMEZGA

Chifukwa wuli ŵanthu ŵanyake ŵakuti yayi?

Chifukwa wuli ŵanthu ŵanyake ŵakuti enya?

Kasi **iwe** ukuti wuli?

Chifukwa wuli wayowoya nthena?

2

KASI BAIBOLO LIKUTI WULI?

Ntchakuzirwa kumumanya makora Yesu. (Wona mutu 4 mu buku la *Baibolo Likusambizgachi*, ndime 1-3.)

Ŵerenga Yohane 17:3.

Mwakuyana na vesi ili, chifukwa wuli ntchakuzirwa 'kumanya' Yesu (na Ŵadada ŵake)?

Ŵerenga Yohane 14:6.

Kasi vingachitika kuti munthu wazakasange umoyo wamuyirayira kwambura kumanya Yesu? Chifukwa wuli wayowoya nthena?



Chithuzi cha munthu chingakovwira kuti umumanye. Mauchimi gha mu Baibolo nagho ghakovwirenge kumumanya Mesiya

Yesu wakiza pa charu chifukwa Wadada wake ndiwo wakamutuma kuti wazakaŵe Mesiya.

(Wona mutu 4 mu buku la *Baibolo Likusambizgachi*, ndime 4-9.)

Werenga Mika 5:2 na Mateyu 2:1, 3-6.

Kasi kubabika kwa Yesu kukafiska wuli uchimi wakuyowoya za Mesiya?

Werenga Mateyu 3:16, 17 na Yohane 1:32-34.

Chifukwa wuli Yohane Mubatizi wakakhorwa kuti Yesu wakatumika na Chiuta?

Kasi ntchivichi chikukukhorweska kuti Yesu ni Mesiya uyo Chiuta wakalayizga?

3

LONGOSORA IVYO UKUGOMEZGA

USANGE MUNTHU WAKUTI . . .

Yesu wakaŵa waka munthu muwemi uyo wakaŵako kale chomene.

UNGAZGORA KUTI . . .

Mbunenesko kuti Yesu wakaŵa munthu muwemi. Kweni nkugomezgaso kuti . . .

Kasi ungamuŵelengera lemba wuli kuti umowire?

Pakuti wamanya umo munthu uyu wakughanaghanira, kasi ungalongosora wuli kuti wapulikiske?

USANGE MUNTHU WAKUTI . . .

Yesu wakaŵa Mesiya yayi, iyo wakachitanga waka vinthu kuti wawoneke *nga* ni Mesiya nadi.

UNGAZGORA KUTI . . .

Ŵanthu ŵanandi ndimo ŵangaghanaghanira. Kweni pali vinthu vinyake ivyo mpanyi wakachita yayi payekha . . .

Kasi ungamuŵelengera lemba wuli kuti umowire?

Pakuti wamanya umo munthu uyu wakughanaghanira, kasi ungalongosora wuli kuti wapulikiske?
